

道古堂詩集

道古堂詩集卷八

仁和 杭世駿 大宗

翰苑集二

恩賜

憲皇帝御製文集恭紀

功參

三祖繼稱尊寰海黎元仰肅溫金鑽萬年傳

寶訓玉堂一例拜

王言微班遠魏夔龍佐鴻業猶垂虎豹闥 明詔祇今

流涕讀簪豪難罄

覆燾恩

高瀛洲

春官被放將從視學者爲漢南之游畱之

不可督之以詩

文章有真契所學在不苟  
弘獎謝陳人能事推小友  
當其愜意時雜誦不去手  
兩年京國遨聲價竟無偶  
摳衣趨講筵劇論每盡酉  
期子天衢亨古道將共守  
胡然江漢行吾意無所取  
旣非救饑寒徒爾瘁奔走  
三年養蠶餘功力非不久  
七經旣羅胸十史略上口  
琅琅振奇懷庶以致無朽  
早哉儕俗論得一乃失九  
臨岐騰薏言時習戒毋狃

蔣閭學

薄

惠瑪瑙朝珠

鵝鷺長陪第一行可無珠串壓朝裳玉璫有意同緘札  
瓊玖何時見報章十世尚宜綿手澤六時惟有繞心香  
摩尼五色應相似肯共山僧較短長

莊親王手書清淨經石刻題後

朱邸欣多暇虔書太上經清言探紫宙妙墨婉黃庭通  
腕工無敵齋心誦可聽緹巾應十襲臨寫徧槐廳

方鏡八首次桑水部

詞元

韻

萬象齊歸赤堊銅鎮隅真覺透虛空方塘細浪吹才白  
厚地層冰積漸融綺閣春深雲滃牖玉階更定月當中

闌干珠斗秋河裏四輔青熒衛紫宮

朝朝立向玉臺前裁翦清光不放圓扇影却隨綃幕轉  
波流折傍錦闌旋琳窗際曉方迎日雪竇看雲忽漏天  
但得帳中常四照何須寶蛤夜來懸

畫奩開處四無塵風骨珊珊迴絕倫藏去祇宜冰作桺  
鑄時羞要月爲輪澄江練影融成片石窟霜華散滿身  
多少妍媸借方幅却教收取入陶鈞

朗鑒空教說畫冰曉珠依舊浪相稱蛟鮪不織千絲淚  
菱蕊長畱四出棱華嶽雲歸霄路霽楚江風定雪波澄  
明明攝盡山河影寫作圖經尚可能

清容不肯逐圓光，斗覺丰神更倍常。  
巧挂已忘銅樹直，乍看還認玉流方。  
袖中錦匣隨時收，檻外冰帷照樣張。  
拂水曉巖飛瀑急，驚風吹斷一千行。

銀花在冶細分流，忽轉金風界四周。  
蘊篋巧收關塞月，布帆清瀉蜀山秋。  
珠宮透影常移曉，玉沼無波不浣愁。  
愛爾最誇標格好，春來不肯上青樓。

寒輝四溢耀無方，照骨真成百鍊剛。  
借得珠繩經月地，本來銀漢隔紅牆。  
秋沈石壁牽蘿帶，影劃金塘浸芰裳。  
圭角自知難鏃鑿，周圍不放十分光。

朴制猶存未破觚，靈光侵曉爛銀鋪。  
年年依樣留春色，

幅幅翻空變畫圖較骨相應輸我朗不圓融更比人迂  
短屏風外輕塵暗每到秋來顧影癯

頌茶

余不喜酒而獨好茗飲戚友間以茶事相餉者歲無  
慮十數閒窗小啜戲爲品第貽門人趙輅黃可濶兼  
荅查主事學禮許別駕端之貺

初陽臺近樹冥濛細揀槍旗碧崦中多事別煩飛騎送

更無穀雨有條風

杭人競於穀雨前采顯  
遞送京師名馬上鮮

甘香三日玉池儲紫葉銀毫細細舒如此清恬好鄉味

慢亭猶說祀乾魚

峽底清流瀉月光一花一葉各幽芳前身我是梅花衲  
添與春冰嚼更香

劇愛綠釵包紫箬絕勝白絹印紅鈴故人也似黃山薺

甘味時時苦味兼

別駕以  
憂居里

劉侍講藻

席上送同年汪編脩

士銓

歸休陽

敢將巨手壓諸公策馬天衢意氣同華省競推湘管健  
鎖闥一顧冀羣空神依夕膳黃山下

恩戀晨光紫禁中聞道潞河秋漲濶推篷細細數歸

鴻

落葉八首次翟

灝韻

一回飄颻一回稀鋪徧荒苔獨掩扉隔夜偶然風力猛  
初三先見月痕微曾來野店殷勤掃故向亭臯汗漫飛  
怪底山蹊響吟屐敗紅堆裏曳筇歸

淒淒變變陡生憐老幹梳風不聚烟天爲空梁停落月  
人因衰鬢感華年清商有韻調箏雁薄命無緣枕鈿蟬  
玉宇不知涼露重夜深還到井闌邊

蒼茫一望不關愁却怪天公善賦秋過嶺夜喧交虎跡  
點波涼動散魚頭何妨輾轉依瓊砌略借吹噓上畫樓  
多處愛他池面積也如身世半沉浮

蓬轉何知驛路遙渺無情緒揀秋飄牆頭飛過尋難見

溝川流來怨未消孤月一稜撐破寺殘陽幾陣送歸樵  
無端又被輕帆阻不得從容到板橋

年時密密蔭長街倚樹攀條寄客懷幾日淒疎沉暮色  
一般憔悴隔天涯驚鷗有意吹成路朗月今才照滿階  
乾響做做麝鹿過幽人方結八關齋

幽語時時咽礪琴只因披薄近西林輕如小舸頻年泛  
冷共浮萍一寸深金井祇愁顛倒墜石闌空費短長吟  
崢嶸讓與隋宮綵可耐清宵玉露臨

夕崦蕭疎磴路斜寒叢禿處露人家草添暮色連殘燒  
蟲胥青絲颺菱花曉徑易迷尋藥犬空枝難護落巢鴉

丹黃粉本都刪却楓嶺誰停向晚車

瞥眼流光逝易驚蕭蕭況住鳳皇城枕邊真擬催成雨  
賦內居然寫作聲庭小尚嫌高樹瘦窗疎惟見白雲明  
故山老屋欣無恙只有寒松不世情

遼海篇贈傅少尹

爲詩

行身貴有本立言務其原原本既已得自爾殊卑喧巍  
峩御史臺豸冠何軒軒上殿一輪對次且無膚臂懲羹  
并吹蠶舌齟齬勿反遂令烏府柏荏染同楊園細故工  
指摘蝟比牛毛繁不以效獻替諫草胥可焚傅侯近入  
院浩氣雲霞奔上以洪

主德下以矜黎元皇皇三千牘陳辭排九闕嚴氣絕要  
嬋言人所不言丹衷貫黼座宏諍殷去聲路門衆官謂  
不然獨得

帝念存陪京王業基貳尹官階尊

帝曰往汝諧爲余襄東藩

王命日三錫畫輪朱兩轡伍伯黑介幘烝徒橐左韃酒  
車騰康觚割鮮萃魚燔車鄰馬蕭蕭旗旄紛繽繙送君  
蒞關輔

天寵陽春溫惟此遼海區廣莫無崖垠土高風力厚冰  
凌瘁拳跟外通北道貢控制百務煩雄州當罷臥勁旅

恒峰屯三種裕艱食

周禮職方疏  
幽州宜稻

五流息遊魂耐刑輪

徒作漸以長子孫險塞峙聯互奸宄能藏蹲急之束薪  
溼縱之猛噬吞旬宜良獨難要在沛

帝恩觥觥吳大尹清節餐魚飧治理尚儒術澄敘先清  
源上書條事宜不顧貲郎怨君今往副筵匪以求攀援  
兩美信必合叶律吹簾埴顏闔善御馬卜式知牧辦蕭  
規有曹隨谷懷彌淵審習俗尚區霧皎如映朝暉丞惟  
大宗師學海尤瀾翻裕以詩書理沃此仁義根士氣旣  
宏達民風漸麗敦 璽書下褒賞錫馬定庶蕃吾生抱  
蠢愚有舌不肖捫契君方雅性載德擬厚坤四載官同

朝握手猶弟昆行者尚祖輟欲酌無匏樽作誦以增美  
崔靈恩解以贈中伯云以增 謔謔粗具論

八月十日夜集翟謫寓約賦長句

十年不悔抱遺經數子崢嶸見典型味較江湖更蕭澹  
詩從河嶽溯英靈人來異地逢秋健天近高城逼夜青  
此事更堪誇雅集亟呼東絹爲圖形

送程茂還淮陰四首

送客返淮浦悠然思舊遊潮聲催向夕木葉感經秋音  
問從人索孤懷尚未酬悲歌吾與汝托興一扁舟

愛子詩章秀長城擅五言空堂無客到幽意向余論老

屋兒能治荒園菊尚存幾時騎馬去同上郭西門

燕市晚來雨懷人在楚西荒蘆徧江介獨蹇入青齊

謂邊

維祺周振采兩秀才

野岸隨潮落秋禽向竹啼寂寥千載意不獨

惜分攜

出處兼深慮難爲問俗儒君行畏霜露吾意在菰蘆白  
髮關心切青崖入望孤告歸仍未敢只是夢踟躕

恭次

聖製九日韻

崢嶸嶺樹變青紅望裏川原托興同  
鑿鑿浮雲通海國鬱蔥佳氣近關東  
欲捫參井窺晴昊暫借登臨散積忡

呼吸想能通

帝座民依早入

睿圖中

恭次

聖製九月十七日遊盤山天成寺登江天一覽閣韻  
高峯夾寺雙門豁異境遙從入望分十地塵凡超色界  
千僧器鉢斷聲聞鳥窺宿霧巡簷立葉戰驚風到澗紛  
知有

宸遊徵悅豫花宮長護九天雲

送顏行人

肇維

致仕歸曲阜二首

清門禮樂舊儒冠況有清風立懦頑毅魄百年畱止水  
鴻文再世仰高山碧雲深處家居好小閣開時竹樹環  
最羨斜川能倡和鶴聲一一到人間

幾年簪紱立彤廷此日重尋鷗鷺汀六瑞躬桓徵典  
守二疏圖畫想儀形不周風向冬初急未了山迎馬首  
青莫道時閒高臥穩鼂生還擬受遺經

慰戴

廷魁

失父

之子嗟行役荒廬佛火微淚同秋雨密心切斷雲飛嶽  
路音塵絕江船獨自歸蒼茫悲落日人海一麻衣

輓休寧戴夏峯四首

迢遙白嶽失風期秋氣深添宋玉悲剩有絳趺馨阿母  
枉將黃絹寄佳兒曲臺先議奔喪禮弟子增刪陟岵詩  
甚欲臨風奠雞絮重泉何路托心知

蕭條高隱舊江村世外勳名付後昆不見公車召徐樂  
轉令太學滯何蕃行營馬鬣情難喻徒跣雞斯痛可論  
料得望聞真創鉅重陳哀些更招魂

平生風義迥誰如迢遞何由慰索居柳子自傳先友記  
劉公不廣絕交書文章已見超華省家學還宜論石渠  
官爵聲名難兩擅欲從天意叩盈虛

驥子論交近日邊獲于詩卷識高賢割來記室懷中錦

愁絕中郎指下弦  
躑躅春明驢跡路  
艱難秋賦鼠兒年  
擬封一掬汎瀾淚  
斑管重將淑行編

題趙五徵君

昱

秋芙蓉吟藁後卽次其荅鄭筠谷

侍讀韻

秋堂寫韻險語拈如蓴羹美  
重施鹽靈根汨汨意浩浩  
但有活脫無憑滌雲中手  
把青菡萏嗅之蘇忿心爲忼  
攄懷絕類孤月皎論價何止  
南金兼大聲撼俗非阿好  
擬古作者誰猜嫌榮華例與  
秀句迂膏肓欲向天公砭  
枯蟬苦飢警鶴瘦高才不博  
條冰銜大科未得繼裴陸  
小經差喜窮賦嚴斜街卜宅  
跡轉晦寒廬僵臥神尤恬

酒人吳

延華

全

神望

日過訪同隊一一遊鯨鮎力追幽

詣造古澹舌本淵永難加箝傳人豈必區顯約尚論吾  
欲齊涼炎史官今喜得王隱徵士安可無陶潛

趙五徵君復用前韻見荅再次奉酬

雪山微笑天花拈忽然撒作空中鹽幽廬有意鍛苦語  
清商哀徵聲非恣興酣寫出三萬軸一昔快讀心神快  
正風不使鼉紫亂至味似有酸醎兼古情時與作者會  
澀調劣得凡夫嫌露盤金掌挹沆瀣力洗俗豔良余砭  
以茲傑句愜心賞底用薄宦誇頭銜王昕人身既不惡  
陸厥風概尤矜嚴高簾不動紙閣閉曳袖瑟縮吟幽恬

有時摘句圖主客酌我桑落烹枯鮎英韶振響雌律應  
一切哇咬咸施箝品題合姬康樂謝鮮華朗暎初陽炎  
行看若木開四照燭龍含曜陰虬潛

聖駕南苑大閱恭紀三十韻

武宿開鴻業文思協

睿圖仲冬仍典禮大閱簡車徒夏誓中軍肅春官茆舍  
殊時和徵樂豈候暖變昭蘇海水三淩渙宮雲五色  
敷遂移仙仗出匪奉翠華娛雉火宵嚴隊犀渠曉  
屬塗軒轅環玉帳太白守神符芝蓋依壇迴龍輶載轡  
迂

巡師

清問遠耀德

聖謨訏國以威稜震材思將伯俱有虔昭左鉞不顯示  
王鈇虹旒招搖起天戈列缺掄浪蛟明繞劍雷獸響援  
枹陣月蟾蜍骨旂風虎豹驅星辰依壁壘衝軸演方隅  
行列鵝兼鸛軍容火叶荼多逾水犀甲勇陋黑雲都獲  
雋真能克登麾不待呼勒銘稽獵碣

錫極在中樞沙軟容盤馬霜清思祭軀握奇親漢乘戎  
路戒周虞霽雪明魚服晴曦耀鹿盧八屯爰昔建九伐  
本來無角動清調琯雕飛疾應弧犒勤頒碧醞臨饗割

黃瑜士飽饒歌壯時清樂頌孚龍蛇歸指顧熊隼麗闕  
閣上略承

三后雄儀晏九區永垂司馬法何用洗兵戈

送裴吉士

日脩假歸省親

大江西上汎歸槎曉唱驪駒驛路遐衝雪不辭隨雁影  
到家正及頌椒花青雲已見陔蘭遂白髮遙知餐飯加  
我亦有親虛子舍送君南望思無涯

十二月二十四日進

呈校勘六經退直 武英殿用朱子鈔二南示平甫韻  
同在館諸公作

六學精深許共商  
石渠高論後先望  
青編陳處傳心遠  
黃帊擎餘觸手芳  
百代鴻文今再煥  
千儒異義孰爲長  
從容退食重揮翰  
共戴

堯仁樂未央

齊檢討

召南

李編修

龍官

再用前韻見贈奉簡

疑義紛綸可待商  
蓬瀛仙境迴誰望  
傳餐更歷三時久  
授簡同探六藝芳  
退語浴堂情轉洽  
翻書朶殿日初長  
二難雅擅凌雲筆  
檢點新編報未央

人日集周檢討

長發

寓齋用昌黎城南登高韻

獻歲急塵鞅久闕  
柔翰弄棱棱硯池冰堅澀未開凍墨

瀋亟搜釋恰供佳節用寒廳崇招要脫略屏儼從炙手  
然松明活火一鑪共辛盤例可徵險韻忽傳送奇趣博  
得臬習語港芝封諸公工硬盤力倍氣乃縱官清詩更  
清那復苦倥偬吾言多雪霜壓紙尚巖重

以越香貽厲二徵君

鶚

南湖雪月劇清嚴特寄名香百和兼拂去定應縈玉軫  
屑殘猶得壓金釵重衾隔雨微微潤小榭因風續續添  
知有閒情通繾綣茗孃纖手喜初拈

君侍姬  
茗人

奉荅董

二兄寄惠越香原韻

厲

鶚

薇廳風味極深嚴遠致餘熏妙語兼詹事可容評甲

煎魯公未許續香奩春宵几閤勞相憶微雨房櫳好  
細添因有辟寒燕玉在芬氲肯爲故人拈

題徐

紹功

如臯射雉圖

取妻論德不論色況屬儼然夫子身左思張載各貌劣  
文彩豈必輸安仁賈氏妻胡所見淺琴瑟義在猶生嗔  
解顏一箭計誰出舉烽之事當其倫徐生作畫意焉取  
得毋遊戲毫端春風流倜儻兩善備畫意止此他非論  
泥觀此畫必此事誠哉見與兒童鄰

春日集飲丁香花下胡三徵君

天游

首倡四韻諸

公繼作余亦次韻

芳意較量春未晚畫屏開處恰當之銜盃莫遣花空放  
折簡長喚客到遲紫袖好娛無事日錦圍真稱太平時  
殷勤更與詩翁約歲歲來看莫後期

濃香細細綴芳枝夙昔江南未見之約月來看開徑早

相風休妒卷帷遲營巢已過春三度

余自丁巳秋卜居迄今三看花開矣

行樂無如此一時料得東皇應念我故教爛漫愜心期  
白已晶瑩紫更奇此中佳趣我知之若教酒醞何辭醉  
但得詩工肯恕遲布席儘堪畱十日巡簷曾共立移時  
黃壚飲伴團圓在懷舊無勞向子期

欲遣天公作畫師柔條一一錦籠之韶光豈爲有力占

節候但知今歲遲  
香雨灑將塵淨處  
紫烟凝向日斜時  
吾生事事饒清福  
況與看花有夙期

五用前韻寄同年程檢討

休陽

一度看花百首詩  
有詩兼酒復奚之  
劇憐南國音塵杳  
那解西軒讌賞遲  
屋外遙山仍舊識  
座中熟客半同時  
明年管領知誰氏  
畱待君看已後期

六用前韻簡同年朱中允

良裘

蕭齋清絕無人到  
天遣名花供養之  
畱客恨無千日醉  
輪君已後十年遲

中允前嘗寓此

一官落托同萍梗  
此樹分明

閱歲時東觀勘書知有暇  
肯來相賞不須期

原作

山陰

胡天游

釋威

春如五日閒京兆花對三生舊牧之已落猶開憐晚  
晚細看微惜轉依遲正難風月流連地忍負尊罍泛  
豔時休被芳枝更相笑枉將塵事背佳期

同作

陳兆崙

病起三旬鬢有絲匆匆馳馬欲何之花開此處來須  
早春到今年去較遲座客儼同何水部諸公皆不善飲主人  
疑是鄭當時緩催象箸孤斟酒飲啄原非可預期

次馬員外

位觀魚韻

道爾裴王趣淪漪透日明儵魚就堂策竹栢見交橫坐

愛蒼厓潤俄欣小雨成寂寥塵躅外誰識此時情

送翟上舍壽次留別韻

雪魄冰懷畫不成賦才驚說近研京梁間庾果共客啖  
几上學書誇腕生六籍已知憑采獲三年莫笑不飛鳴  
士龍況住西頭屋軒冕終輸性分輕

燕雲朔雪隔南天詩酒遙何得共連勝地我方誇韻事  
清時君獨負華年志欺鵬鶚終騫翥情似夔蛇互愛憐  
歸侍晨羞真得計西沽看爾一帆牽

門人蔣應鼎自吳門寄送樂器數事

花面雲鬟列行中年哀樂未相妨後堂不遣彭宣到

絲竹多勞寄一牀

生花寶燭隔窗明  
每恨蝦蟇不借更  
竟欲攜從綏嶺上  
春風吹作滿城聲

怡親王命題明善堂詩集二首

寶玉分頒重展親  
日華宮裏露華新  
讀書笙典儲千篋  
報國葵心向

一人禮樂獻平推  
並席文章郤桂許  
扶輪獨慚作賦輸  
枚叟給札曾叨梁苑賓

捧出緹紉五色霞  
太平歌詠樂無涯  
清詞麗句凌黃絹  
夕膳晨羞賦白華  
煒燿壽萱當晝永  
檀藥修竹夾池斜

一編直抵璠璣貴蘭坂吟成未足誇

趙主事

殷晨

遠惠龍井茶以詩代簡

四年不見兩湖面只當四年別故人說書吻燥無處告  
默默飽咽銅街塵石交有意嘲水厄芽旗兩串封題親  
紙香拂拂包裹解觸手恍覩龍泓春冷官雅與此味稱  
清話暢好畱嘉賓天壇汲泉委巷近蹇驢穩馭何辭頻  
呼童亟理折脚鼎點湯乍似魚吹脣寒廳掃葉助活火  
縛把但少松毛新隄成徙倚轉自笑得隴望蜀須防瞋

和阮檢討

學浩

移居八首

機雲分占屋西東門巷無私月旦公新宅又添圖誌內

舊聞都入笑談中  
窗前織竹籠雙鶴  
堂上揮絃送遠鴻  
千萬買鄰吾有約  
望衡鐙火幾時同

何處能除累劫塵  
一壺天地有餘春  
到來共鬪玲瓏句  
相對都無伯儼人  
香篆裊雲驅脈望  
墨光浮几見龍賓  
幾年朶殿同簪筆  
珍重分明著述身

地僻誰言與俗乖  
相於晨夕素心皆  
但能華國居何陋  
況得循陔貧亦佳  
閑外豈無投轄井  
樹根雅有讀書齋  
一叢慈竹經冬茂  
扶杖時看笑倚堦

迢遞瀛洲上曉暎  
挹君兄弟勝蘭蓀  
同車入直輒移影  
對席聯吟燭刻痕  
佇掌黃麻分兩制  
共欣綠鬢照朋尊

槐廳從此添佳話不數蘇家擅玉昆

肯把癡錢累素交只攜殘帙似僧包黃羊枰上翻新局  
白玉堂中識舊巢書仿河汾還自註學傳繁露手頻鈔  
好營隙地成蔬圃瓜蔓垂垂架紫梢

門掩苔痕兩版居往來惟愛舊春鋤爲徵疑事嘗窮我  
忽發狂言獨恕予揩眼同評青李帖齋心也理紫薇書  
開爐還有銷寒約易栗吳柑爲早儲

已移家具獨巡廊榆樹依依過屋長十笏重畱呼卯飲  
三年難得看丁香幾人聽雨仍同巷遲爾彈碁尚隔坊  
怡悵報書來莫後歲殘蘭石要堅芳

萋萋十里草如茵記泊蒲帆淮水濱  
枸杞井荒成獨往鴛鴦橋冷若爲鄰  
春風故里懷枚叔細雨高臺醉伯倫  
此日詩成應共念馬頭吹過六街塵

道古堂詩集卷八

道古堂詩集卷九

仁和 杭世駿 大宗

翰苑集三

張庶子

鵬翮

經進春林淡靄圖敬題六絕句其上

蒙

恩俯和邀同館徧和余亦繼作

展帙針懸與露垂

奎章璀璨喜申眉無聲詩博有聲畫遭際千秋第一時  
斑管頻抽虎僕毛聲華三絕玉臺高太平特進沖融景  
肯把燕支注小桃

當年一角說孤雲圖繪流傳寶鑑文爭似散仙多灑落  
春風筆底爲平分

賜出陶泓

恩敬承金壺好潑墨三升玉河莫笑歸鞍緩袖得璠璣  
力不勝

天葩落紙剎那成葶甲懷新盡向榮豈與枚生較遲速  
要畱佳話在西清

不用登牀張洎求銜來鳳尾自彤樓琅函夜夜榮光發  
知有驪珠在上頭

陸編修

嘉穎

兄弟重申卜鄰之好用查浦集中卜

鄰西谿韻二首奉簡

樹暗雲深僻似邨，揀無車處放柴門。  
空庭轉覺蟬嘶靜，比屋交聞雞語喧。  
布席但求鄰水竹，營巢豈爲長兒孫。  
篋中漢史粗成稿，公是公非擬細論。

花漸差肩屋打頭，疏泉支枕類扁舟。  
兩家隔戶通聲息，一例關門絕應酬。  
日上牆陰長返照，雨來溝水忽西流。  
玉堂清福無多子，飽飯黃梁百不憂。

題鄭戶部

廷建

歸去來辭行看子

之子清妙人有榮，不肯梯翩然賦歸來。  
樂事渠可稽門前沙，河水流過橫塘西。  
鄰曲六七家寂歷，如山蹊疏籬。

健六枳黃菊抽新萸林田足完官盡以付酒奚移牀就  
樹蔭一飲拚如泥臥遊義黃上懷葛相招攜

雨

閉門因愛雨落葉不關秋淒颯時飄座蕭疏祇益愁近  
思青箬笠遠憶白蘋洲幾日城南興遊踪媿野鷗

送齊孝廉

周南

歸天台

石梁雙闕鬱參天著就三都已十年難弟笑吟紅葉句  
高人獨檢白雲篇鍵關不接漁陽客挂席仍浮剡曲船  
行看赤城霞起處風流自署小游仙

鄭侍讀

江

足疾乞歸同鄉後進攜酒過餞卽席奉

呈

先生有道者淡泊謝榮利抱經考微言勤於昌歎嗜文  
采及篇章歌詩特餘技璧琮璋璜輝輝宗廟器佐世  
資碩儒堂皇允所置昨朝足疾動北窻動翹跂門臨十  
二街蕭散若衡泌曾非下堂愆頗悟折肱義上書遽乞  
休得遂還山志問年未耄期有服製荷芰由來經術儒  
出處繫軒輊名山究淵微石渠奏同異寄跡雖有殊揚  
光要無二他年下六丁從君發奇祕

雨後集無畏室酒間讀書有作

煙嵐一幅定雲巢懸向秋堂對枕坳寂寂張燈高館閉

蕭蕭接響淨蘆交開鑪預索朋尊續得句頻搜矮紙鈔  
夜色劇愁寒不定西風應捲幾重茅

挽潘諭德

安禮

貫魚同被 寵獻賦獨凌雲萬里蠅隨尾三年雁墮羣  
旅魂飄落葉老淚瀝斜曛詞客君惟占應修地下文  
久列中朝望纔看換紫衫堅難金石比善少鬼神監懸  
劍悲吳札趨林哭阮咸一衾擁涼夢冷漠稱冰銜  
龍蛇成舊讖絲竹廢中年共議奔喪禮誰分治葬錢荒  
幃積塵網故國望山川渺矣廣陵散殘徽不繫絃  
一橐將神載言歸潁水湄鵲聲涼月夜烏影夕陽時沙

竹韋莊宅江楓宋玉辭墓門他日過宿草定餘悲

題馬吏部

志義

小像

由來天地本蘊廬俛仰何因不有餘解識卮言盡駢拇  
惠施空負五車書

記與藤花有宿緣清曹勾當過三年玉階一去塵緣隔  
乞與天公作散仙

十月二十二日汪

沈

翟

瀨

過寓齋小集

沈寥天氣翳銅街小住俄欣二妙皆得句超于王子鶴  
摘蔬清勝庾郎鮭奇懷此夕爲君盡高論不妨與俗垂  
欲遣張爲圖主客卻無塵態只青鞵

寒夜集無畏室共作禪語

言展白氍巾小憩青豆房愛此雞羅頂一室無燠涼清  
言匪謂佳用以發智光卓彼覺路英其書亦多方如春  
在跏趺妙蘊不得藏紛吾持羯磨義虎力可將旣爲四  
禪縛有戀三宿桑

吳少司馬

應葵

招同詞苑諸公集東井書屋時以

嶺北集見示

歡場傳喚倒深卮跋馬冬街到恨遲作者七人吾亦忝  
寒香一榻坐相宜官因右部論兵偉詩比東坡過海奇  
冰雪崢嶸商歲晚燒鐙閒話卅年時

送同年盧

豪然

令威縣君曾祖名象晉死國難介

弟去家不反胡司業襲參曾爲傳

朔風蕭條轉蓬根澤腹凍結溇沱渾我友到官迫程限  
臨岐有意停征轅家門忠孝略數說語所欲吐聲還吞  
荆溪督師殉國義大節皎若升朝燉輿尸七旬不得斂  
不有介弟誰招魂同時仲叔執戈出百口并命吳江濱  
先人毀家請紆難上書自効號於闔天心有眷鼎遷速  
孤意欲與夷齊論怨家發釁填犴狴頭可易斷難爲髡  
一朝被髮出門去稚子哭叫窮鄉村零丁徧寫覓無處  
印雪徒見鴻爪痕有時忽來告葬所瓦棺塋周非其壻

首陽庶幾可埋骨欲假尺地皆周原吁嗟異代有義士  
帝紘寬大施春溫芳華熠燿盛枝葉垂裕自爾及後昆  
我友侃侃守先志克以仁義爲樞樊一官執掌豈得意  
要表大烈爾乾坤循良每次儒學傳孝子亦出忠臣門  
明時努力慎官守畿南雨露容霑

恩義言樸直少馳繆至理庸以區昭昏

布衣詩二首贈鄭山人

錫

卽送其還山陰

大布寬袍古製存縫來一疋海東藩持竿不作披裘隱  
懷玉何堪被褐論拂袖固應歸白社曳裾那肯向朱門  
爲言紈袴休相笑畢竟輸他自在溫

樵風涇口舊家居暫駕金臺轂鯨車青紫四時輕仕宦  
聲華三絕擅詩書櫻筍杖行相稱老帶莊襟樂有餘  
此去莫言長息隱聖朝物色在樵漁

題翟漸庚申詩卷

巨壑縱餘猶掉尾大波迴處更生瀾自從玉局翁仙化  
如此驚才更見難

朔風攪雪夜蕭條大卷編年燼自挑歎息後來誰獨步  
言超故自阿龍超

卷裏喜無偷鶴句牀頭猶見捉刀蹤一端莫遣邯鄲笑  
作奏先宜去葛龔

時爲余代酬應之作故末章及之

上元公讌二首

香醅如雪發春缸，皓月璫瓏透八窗。  
照壁低人駢瘦影，窺簷老樹立空腔。  
官貧未惜錢三百，筆軟能添字幾雙。  
勝典得寬宵柝禁，夜深猶話玉蟲缸。

初旬休暇脫朝衫，春事徐聽說大凡。  
瑤鳳已先三日集，燭龍齊向六街銜。  
合尊宵使良宵負，入座都將俗禮芟。  
高興倘能畱不盡，落鐙重達鯉魚函。

送同年陳主事鈔之官遼海

一時羣彥盡登仙，獨爾清才出守邊。  
隻影蒼茫天地闊，敝裘焦萃雪霜綿。  
蛾眉月落忽千里，雁足書來動隔年。

紫塞莫教迴首望春風不到玉關前

空囊不宥破天慳此段真教去住艱望遠類如星宿海  
澆愁疑有沃焦山途窮莫怨微官累程迫方知白日閒  
猶有舊時薇省客瓜期屈指海西還

時同年柴嶼  
青爲郎中

關河滿目意蕭寥謹護邊儲荅

聖朝拙宦不知爲客樂貧交翻惜去鄉遙漫天宿莽餘  
疲馬絕徼寒雲見暮鵬多少畫工圖出塞一腔孤緒未  
容描

佳時才過試鐙風爲遣離憂酒一中用傳棄繻真細事  
短衣匹馬奮單雄但言小別須千日若問同僚只數公

此夕與君難判袂一憑詩句話深衷

次崇明許邑宰

惟枚

栽花四首

門第清華邈列卿雷封聊試小經營  
召棠邠黍人爭誦莫認河陽花繞城

彷彿蓬壺落掌中層層樓閣暈青紅  
擬從龍戶乘槎到引去唯愁擘岸風

栗畱聲裏曉班春如畫郊垌入望新  
白髮老農扶杖語太平人勝武陵人

不妨載酒作遨頭治行喧傳第一流  
試問漢廷諸茂宰栽花海上可能不

送陳舍人

兆崙

之武昌

惜別慚無酒膽麤衆咻真作楚遊呼君行始此不爲遠  
吾道自今恒歎孤好景定煩柔翰寫輕帆況有玉人俱  
江行輸與圍棋處清簟疏簾稱雅娛

雨中用柳州苦竹橋韻簡吳秀才

可馴

縱縱白雨點漠漠青瑤林蕭瑟無凡響寂寞有苦心端  
居絕妄營興到時一吟涸池潛輕條高柯斷來禽歡然  
契古賢命酒疏堂陰

吳上舍

城

見過次其題壁韻

人境辛勤小有廬藥欄花徑愛莠與屏山數朶雨餘出

建古堂前集卷九  
齋樹兩株風後疏文字欲參齊物論形骸都在絕交書  
清時到處供行樂齒冷靈均賦卜居

次前韻寄故園兄弟

松里先人有敝廬問渠何事不歸與心如焚火頻頻滅  
髮比秋條漸漸疏八世生涯唯習嬾在官罪過祇鈔書  
鴻妻一向能甘隱紙閣蘆簾就爾居

送廖

昊前

令徐溝

明府之官去青袍草色迷關長蓮岳近天人井陘低別  
館彈琴靜孤城擊柝齊遙聞漢循吏桑柘綠陰翳

送大廷尉汪先生予告還休寧三首

方瞳紺髮侍彤廷  
耿耿東方見歲星  
後輩六卿扶玉杖  
先生四紀領槐廳  
趨朝小斂調羹手  
退食還鈔相鶴經  
早向門牆長立雪  
巋然魯殿奉儀型

溫綸初下許懸車  
身退功成次第書  
吳越羅材收竹箭  
江淮奏績志河渠  
灘厓滕閣懸金檠  
水部蘭臺噪玉除  
盡識于公門必大  
翻從祖道戀華裾

老臣戀闕抱丹心  
其奈霜華已滿簪  
一代荀陳歸大匠  
兩邦吳楚紀儒林  
朱砂湯好攜壺坐  
白嶽峰深倚杖吟  
笑對少時親種樹  
蒼髯黛色鬱千尋

翟灝  
遺龍井新茶

渴吻年時逐日新一封感寄雨前春  
擎來解說槍旗好  
辛苦筠筐細摘人

活水雲羅瀘更清森森香味出寒鐺  
閒窻似向家山坐  
聽徹松濤竹雨聲

周憲阻雨書堂畱飲

高閣畱賓破寂寥張鐙且復坐中宵  
已看墨汁金壺瀉  
難得明珠碧玉跳千里鄉思憑濁酒  
一天清響共疏寮  
玉山雅集煩公等隔日應須走馬邀

起林上人過飯書堂

澄觀翫三餘幽居衆美萃上人遠相過  
卽事儷清思未

妨無着心畧寓文字戲罷鉢非凡聲蔬筍絕常嗜天風  
激靈籟妙語得回施諸餘諒難空教外亦禪寄何時策  
青林同宿烟際寺

門人孫吉士

拱極

邀諸同年載酒見過

勝地宜幽賞華筵久寂寥愛君能載酒歌嘯永今朝韓  
筆方原道雄文善解嘲但令高會數何惜馬蹄遙

王孝廉

任湖

下榻小園有詩次韻

百里江流繞越城挈舟相訪昔塗更蓼羹芋飯家山夢  
菰葉蘆梢水國情異地不曾拋席帽荒齋難得共鐙檠  
歲寒與子期松竹一笑新成日下盟

客裏孤懷百不任一天雲日互晴陰巢如驚鵲時還徙  
人比秋蟲只愛吟拚醉借杯澆塊壘貪涼移榻就幽森  
請看矍鑠餘狂態彩筆重題漢上襟

隨身不用錦囊奚矮閣團焦類蟄棲馬上烟嵐屏上句  
愁邊渲染醉邊題色融嵩少三花樹聲帶黔南百丈谿  
賸欲與君窮野望美懷多在夕陽西

十笏幽齋爲爾營茶烟長繞鬢絲生論交不用追朱穆  
漫刺何妨學禰衡桑下定增三宿戀蘭亭舊有百年情  
身如野鶴秋逾健游戲俄看徧玉京

撲棗

堂背無雜花劣有兩樹棗一枝亞簷低一枝出牆矯風  
來時動搖絕勝叢竹掃結實定幾擔飽受日色果貧家  
無餘糧惟此以爲寶垂涎走饑童失喜賺聾媪纂纂青  
紅兼墮地每橫草長恐霜威侵或被風拉槁幽詩紀八  
月長竿撲宜早預宜扱衣衽旋見溢袴裋喜無桃蟲啄  
幸免蓼蟲齧赤心古所嘉甘味世不少愛茲家園植堆  
案愜幽討轉愁空枝鳴不得壓清曉

題金

碧

野亭玩月圖四首

鏡湖巖壑野亭春況復盤盤瀉爛銀我妒姮娥少公道  
不應偏照苦吟人

玩月由來見古情  
苦無胸次寫空明  
羨君真到蟾蜍窟  
敲着玻璃便有聲

才上層霄萬象融  
能來難得晚烟空  
只須倚樹團圞望  
名字居然在月中

碧天真個淨纖埃  
放眼空亭亦快哉  
一派清光描不得  
無人解識謝莊才

飲梁通守

翁鴻

寓用歐公聖俞會飲韻呈趙鴻臚

之垣

李源包

祚永

楊朝鼎

三侍御

天晴酒伴相牽拂  
翩然出飲馳彫談  
哨壺枉矢樂賓具  
固辭與請紛皆三  
八尺鐙檠不嫌短  
光閃瑤席無洪纖

雄辭騰蹕破詰窘窄量宛轉開機緘簾端香氣時掩冉  
檻外秋色尤紅酣鄒平食憲次第列熊魚嗜好能相兼  
珍珠槽醉琥珀滴甕口不用紅泥鈐百觚騰處玉鱗動  
一切苛令皆除芟嗟余亦與捉臥甕三咤三啐徒貽慚  
劍鐔青熒照短髮花蘂瑣碎飄輕衫諸公乘興索微咏  
包括雅意何能咸歸途緩轡指河漢鐙火不隔斜街南  
飲歸再用前韻呈王孝廉

城西罷飲意不厭擬歸卜夜仍深談借車載我喜兼兩  
無月照影焉成三移鐙過林光睽暘折枝壓瓊紅尖纖  
意行絕類磨蟻旋開口官效金人緘攤衾促坐不寂莫

飛觥餘興猶沈酣。夔虺憐愛理難譬。熊蛙肥瘦勢詎兼。  
更殘數數換白蠟。吻渴急急開紅鈐。銑谿體恐難學。  
金籀綺語應從芟。經營邱壑惟子擅。墨守章句良余慙。  
時清幸得側烏帽。官冷且免拖朝衫。新篇脫手美無度。  
至論砭俗專而咸。幾時說詩圖主客。子爲張北吾周南。

三用前韻說餅

林昏雨黑客打戶。岸然高睨而大談。問以晚食百不要。  
寒具劣可進二三。雲碓屑粉膩復黏。重羅濾麴白且纖。  
霜熬徐飛海水沫。蔗漿乍解閩山絨。川椒蜀薑百末和。  
去活火炙釜力厚酣。花瓷盛爾軟美恰。頭綱配爾甘脆。

兼吾雖牙齒老未缺畢生不見紅綾鈴趙岐吳均兩寂  
寞公羊經義誰能芟并刀快截差不惡虛堂細嚼夫何  
慙搓酥轉恐澆名畫浣手起著古樣衫上九肥遯無不  
利筮者布卦將爲咸明當期子賣餅肆千人石畔吳山  
南

夏編修庭芝見遺絨巾輒效宮體奉簡

客從罷洗湯泉後買得絨巾別贈人白氎龠疏難並美  
金梭想象迴含辛頻攜襟袖香仍越略與按抄色更新  
若是彈碁容妙拂當場恐惹玉奴嗔

金文淳袁枚三吉士招同戴上舍廷熺小

園看菊以濠梁同見招爲韻分賦予得招字

籬下叢菊花有白無枯焦其一尤秀出矯立矜風標際  
此晴日美爽氣凝修條延賞得短句較勝猷酌謠騷人  
例愛飲一一踐夙招其人如菊澹兀傲不可調其詩如  
酒醖但見格律超園丁頗好事汲井滋靈苗矧以詩吻  
渴可少芳醞澆醉便折花嗅瘦影吹蕭蕭

張員外

嗣衍

見餉佳菊數本用前韻奉謝

燕土惟黑墳兆圻如龜焦瓦盎種野菊惜少佳名標張  
侯餉數本濯濯無枯條微吟動高興獨酌成康謠愛之  
詎能狎呼之不須招月來逾澹蕩風起徐刁調多做少

俗媚此格天然超亭岩竹窗裏昔昔抽新苗日以露華  
洗兼用清泉澆持螯恐難繼亟緯風中蕭

金吉士重過書堂有詩見投次韻奉荅

爲有田家濁酒盆不教秋色臥籬根霜螯露韭清難飽  
凍螳癡蜂咽不喧吸井有香泉繞戶枕屏如畫月侵門  
巖居便是延齡術合向山靈酌一尊

馬九員外遺命以宋刻葉水心習學記言及大德  
本漢書見贈屬余爲佳傳諾之未果也令子以遺  
像求題悽然書二斷句

玉骨銷沈意氣新畫圖猶剩幻中身秋堂疏雨寒花盡

又向天涯哭此人

眞冷猶然唱古音奇書珍重故交心  
一端差勝蘭臺業不使千秋說受金

聞舍弟鄉薦信率占志喜

衰門一第似登天望汝心旌刻刻懸  
幾日銕花喧眼底今朝黃色到眉邊  
相招熟客頻呼酒罷脫朝衫便放顛  
遙想鄉閭賀客萱堂應得老親憐

月夜聽高山人磨彈琴

嚶嚶太古音樸樸何所仿孤月林隙窺  
山石發清響妙理攄素情幽境叶遐想  
風來時一鳴空際或延賞

趙上舍一清屢以純蹄果餌見餉賦謝

末俗論交似積薪感君每飯念陳人老饕飽辦三時課

稚子歡騰一屋春九日題餽誇舊詠癸丑重九與厲徵君丁處士集南堂

分韻予得餽字南堂說士記前塵從今欄戶泉亭裏好趁吟風

弄月身

門人費大令蘭先過訪草堂留飲卽事二首

雲意不成雪晚風吹向西單車媿相訪幽徑不全逃  
飢知何益憂愉未易齊川途今昔改畱取認前題

言返臨溪宅重過立雪門放歌期白首托志抗清尊  
下  
澗田何有聯珠集尙存今朝寒意重風過一鐙昏

賦得殘雪在樹

庭柯灑上雪層層霽後蒼  
疏迹尙仍照水認霜輪瘦影  
穿階得月見孤棱  
回風繞處飛還戀  
凍羽歸來啄更凝  
聞說賦才工體物  
錯呼瓊樹也相應

宿紅泉館與吳

城

話舊

相別復相憶追歡方自今  
清愁蕭寺晚濁酒射堂陰  
身世誇經歷詩篇惜滯淫  
寒宵同不寐故里十年心

題同年陳戶部

士瑞

使蜀集

暫辭畫省擁油旌  
雲棧風碕細算程  
一檝不曾驚父老  
七經端可化諸生  
卷中錦字江流濯  
閣外蘭舟峽雨迎

蠻女弓衣新織就笑他春雪枉知名

送史十三之官江右

蘆溝南接白溝西棗樹成園柳滿堤千里官程騎馬去  
詞人爭識史梅溪

使君風貌逼羊何手板頭衙樂事多取次灌嬰城外路  
章江波勝浙江波

一官差喜可著脚五斗何曾肯折腰爲愛香鑪峰色好  
放衙日日過僧寮

臨江高閣敞晴光閣底春帆索酒嘗蝴蝶至今畱粉本  
開圖先寫小滕王

趙一清  
惠松門鯢賦謝

商祭曾觀曲禮文乾魚竟祀武夷君開緘一笑諳鄉味  
入饌居然合舊聞包匭不畱松島箸敗鱗猶帶赤城雲  
侍兒煮送防風粥倩箸先愁污翠裙

宜興吳秀才

凌鵬

太史仰朱族子與余不相識輒

畫便面見貽因題其上荅之

逶迤陽羨山秀色經時換刺船春水涯緩帶棕亭畔遠  
鐘何處聞極目翻經館

咏待月巖下紅薇

鳳閣風光近若何紫煙漠漠不凝柯晴曦烘後畱新色

細雨吹殘蹙豔波  
素女折來潮暈減  
省郎相對酒顏酡  
臨窗爲咏金荃句  
似帳濃陰向晚多

晚晴次許孝廉

錢

雨過煩襟滌空亭  
上夕曛遮窗無暝色  
拂樹有殘雲山勢  
參差潤泉聲斷續  
聞好書慵未把幽  
境許誰分

爲王孝廉

任湖

題錢觀察

元昌

畫藤花

濃香幾穗寫春愁  
忽向黔南萬里收  
絕似水西西去驛  
紫煙如浪潑行舟

道古堂詩集卷九